

nullâ conqueri planè ratione possit. *Ingenuitatis est, non arrogantie, quod loquimur*: Quicquid ab anno usq; CIO CIC XLVII, quo sub Vernale tum Examen classium superiorum adscriptitius factus fuit, in lingvâ Latinâ, quicquid in Græcâ, quicquid in Ebræa, quicquid in Poësi, in Rhetoricis & Logicis, in ipsa deniq; Catechesi Theologica, ipsi aut nos inculcare potuimus, aut ipse capere potuit, *potuit autem præ plurimis plurima*, bona fide exhibuimus. Nec reliqui duo, RUDELIUS & TEUBERUS, justam de pari animo conquerendi habebunt ansam, quorum *prior* à mense inde *Augusto* anni CIO CIC XLVII, *posterior* à *Julio* anni sequentis discipuli nostri fuerunt assidui & industrii. Censem usq; dignum esse, immò jubemus, ut inclutæ hujus Urbis Senatui & omnibus incolis pro exhibitis variis beneficiis, quæcunq; tandem potuerint, officia homini libero & ingenuo convenientia rependere satagant, præprimis, quum TEUBERUS toto illo, quo apud nos vixit, tempore *beneficiomenſa communis* largiter & sufficienter exceptus fuerit atq; sustentatus: illustri sanè & immortalis gloriæ eleemosyna, quæ huic *Urbi* cum paucis est communis, quam nescio, qua opimiorum cœnarum fama manum contrahunt, quandoq; nec ampliùs extendunt. Ergone, mi homo, si è longinquo spes sit casuræ pluvix, interea plantulis tuis fontanam invidebis aut denegabis? Recensebo Vobis, quod *Polycarpus Lyserus* in capite CXXII. Harmoniæ Evangelicæ scribit de eo, quomodo amici fiant de Mammona injusto, "Procident hi amici, & coram CHRISTO ovibus testimonium præbebunt audientibus & ringentibus" hircis. Hic unus dicet, Ego miser scholasticus in juventute mea periissem, & fortassis ad boves vel porcos relegatus fuissem; sed hic vir fuit meus Patronus, meq; ad studia adhibuit, hic Princeps, illa nobilis matrona dedit mihi subsidium studiorum. O bone JESU, tu etiam ipsis hoc repende in vita æterna. Sic alius dicet, Ego pauper & egenus fame periissem in priore vita, in lecto meo contabuissem, nisi hic vir vel illa matrona suis eleemosynis & medicamentis me recreassent. O Christe Jesu, retributor omnium bonorum, largiter nunc ipsis hoc retribue in cœlo. Ibi CHRISTUS dicet,